

Broj: 01-04-13-03625/2022  
Sarajevo, 12.07.2022.godine

Bosna i Hercegovina  
Federacija Bosne i Hercegovine  
**PARLAMENT FEDERACIJE**  
SARAJEVO

Primljeno: 18-07-2022			
Org. jed.	Broj	Priloga	Vrijednost
05/1	-02-	234	122

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE BiH  
ZASTUPNIČKI DOM

n/p tajnik- Ivan Miličević

veza vaš akt broj: 05/1-02-234/22 od 04.07.2022.godine

n/p - zastupnica Sanela Klarić

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BiH  
SEKRETARIJAT VLADE

n/p- sekretarka- mr.sci. Edita Kalajdžić

**PREDMET: Odgovor na zastupničku inicijativu, dostavlja se**

Poštovani,

Federalna uprava za inspekcijske poslove zaprimila je dana 05.07.2022.godine akt gornji broj koji je zastupnička inicijativa Sanele Klarić, kojom od Federalne uprave za inspekcijske poslove traži da hitno obavi inspekcijski nadzor nad rudnikom mrkog uglja Kamengrad i njegovom utjecaju na okoliš, naročiti obližnju rijeku Blihu.

U pripremi odgovora na pokrenutu inicijativu, konsultovan je Federalni urbanističko-ekološki Inspektorat.

Dana 13.04.2022.godine izvršen je inspekcijski nadzor od strane federalnog inspektora za zaštitu okoliša ove Uprave kod subjekta nadzora „Lager“ d.o.o. Posušje, podružnica Sanski Most, kojom prilikom je utvrđeno da, kontrolisani subjekt ima okolinsku<sup>1</sup> dozvolu za površinsku eksploataciju mrkog uglja na lokalitetu Zlauše i Martin u naselju Gornji Kamengrad, općina Sanski Most, izdatu od strane Federalnog ministarstva okoliša i turizma.

Prilikom nadzora ustanovljene su sljedeće nepravilnosti:

<sup>1</sup> Okolinska dozvola broj: UPI 05/2-23-11-48/17 od 13.04.2017. godine izdata od strane Federalnog ministarstva okoliša i turizma

- Operater nije pravovremeno podnio zahtjev za obnovu okolinske dozvole.

Zakon<sup>2</sup> o zaštiti okoliša Federacije BiH, u članu 93. stav 3. utvrđuje da se zahtjev za produženje okolinske dozvole podnosi 90 dana prije isteka okolinske dozvole.

- Operater nije u pisanoj formi obavijestio Federalno ministarstvo okoliša i turizma o promjeni u radu postrojenja.

Naime, subjekt nadzora je od sredine januara 2022.godine počeo sa intenzivnijim aktivnostima i isporukom uglja. Sa otkrivanjem je počeo polovinom februara 2022.godine. Do dana inspeksijskog nadzora je isporučeno za potrebe JP „EP BiH“, cca 100.000 tona uglja. O naprijed navedenim aktivnostima subjekt nadzora nije izvjestio Federalno ministarstvo okoliša i turizma.

Na osnovu konstatovanih prekršaja, postupajući federalni inspektor zaštite okoliša je izdao prekršajne naloge, pravnom i odgovornom licu i izdao Rješenje o otklanjanju nedostataka. „Lager“ d.o.o. Posušje je na Rješenje inspektora kojim su mu naložena upravna mjera o otklanjanju nedostataka, izjavio žalbu koja je proslijeđena drugostepenom organu na rješavanje. (Federalno ministarstvo okoliša i turizma).

U prilogu naprijed navedene žalbe je i Zaključak Federalnog ministarstva okoliša i turizma broj: UPI 05/2-02-19-5-60/22 MK, kojim se odbacuje zahtjev stranke privrednog društva „Lager“ d.o.o. Posušje sa sjedištem na adresi Vukovarska 47 88240 Posušje, za izdavanje obnovljene okolinske dozvole za površinsku eksploataciju mrkog uglja na lokalitetu „Zlauše“ i „Martin“ u općini Sanski Most, koji je ovaj organ zaprimio 17.03.2022. godine, jer nema uvjeta za pokretanje upravnog postupka.

Dostavljajući vam prednje, smatramo da smo dali odgovor uvaženoj zastupnici.

S poštovanjem,

Dostavljeno:

- 1 x tajnik-Ivan Miličević
- 1 x zastupnica-Sanela Klarić
- 1 x generalna sekretarka Vlade FBiH – mr. sci. Edita Kalajdžić
- 1 x a/a

**DIREKTOR**  
M.P. \_\_\_\_\_  
**Mr. Anis Ajdinović**

<sup>2</sup> Zakon o zaštiti okoliša Federacije BiH ("Službene novine FBiH" broj: 15/21)